

# Egesippi/ des Fürtrefflichen vnd Hochberühmten Geschichtschreibers / Von Zerstö- rung der Statt Jerusalem.

A N A K E P H A L A E O S I S.

Das ist/

Wiederholung fast alles dessen/ was in den vorigen  
Büchern gesagt worden.

Egesip. lib. 5. Cap. 1.



**M** zwen vnd vierzigsten Jar nach des Herren Leiden/ aber im ersten jar des Keyserthums Vespasiani/ ward das Jüdische Land mit beschwerlichen Kriegen/ vñ innerlicher Aufruhr zerissen. Desgleichen hatte auch ihre Statt Jerusalem dreifachen Krieg. Da war keyn auffhören/ keyne ruh/ keyn anstand/ aber allen augenblich Scharsmügel. Vil fielen zu boden/ vnzählich vil wurden erwurget. Das Blut verunreyniget alles/ vnd erfüllet des Tempels eingang. Die Leichen fielen hin vnd wider/ deren etliche mit Pfeilen/ etliche sonst mit Geschüs getroffen wurden. Keyn ort war ohne gefahr/ keyne zeit zu rathschlagen/ keyne hoffnung zur besserung/ keyne gelegenheyt zusflichen/ Es was alles trawrig/ vnd voller grausamkeyt/ allenthalben leyd/ schrecken/ allenthalben Weiber geschrey/ der Alten heulen/ der Sterbenden seuffzen/ der Lebendigen verzweiffelung/ das die vberblibene elend/ die Sterbenden selig zuschäzen waren.

Lib. 5. Cap. 2.

Wie bistu so schändlich betrogen von deinem Volck/ vmb welches willen du selig geachtet wardest? Wie bistu durch deine eygene Waffen zerstöret/ vnd hast deine Hände wider dich gewendt/ so du doch pflegtest ohne Waffen zu vberwinden/ vnd ohn allen Streit den Feind zuschlagen/ da die Engel für dich stritten/ vnd dir die Wällen des Meers/ der Erden Klüfte/ vnd des Himmels prasseln dienete? Ach Moysse mache dich jetzt auff/ vñ sihe an dein Geschlächte/ vnd das Erbe deines vertrauten Volcks/ wie es eynander selbs erwurget. Lieber schaw an das Volck Gottes/ dem das Meer eynen freien durchgang gab/ dem der Himmel/ als es Hunger litte/ speise gab/ wie es nuh ohn Meer verschlossen/ ohne Pharaone belägert ist/ ohn vnfruchtbarkeit des Landes. Hunger leidet. Stehe auff Aaron/ der du damals/ als der Tod in Gottes Volck/ von wegen der Sünde/ damit sie Gott erzörnet hätte/ vil aufffras/ zwischen den Lebendigen vnd Todten stundest/ vñ der Tod nachlies/ vnd die Seuch/ da dein Leib darzwischen kam/ innenhielt/ das sie nit weiter die Lebendigen vergifften kont. Ach Jesu Naue/ komm du auch herfür/ der du die vnüberwindliche Mawren Hiericho/ durch der Trometen Hall zu boden geworfften/ vnd besihe das Volck/ dem die Ausländische vnterthänig gemacht/ wie nuh dasselb vntertrückt ligt. Stehe auff Dauid/ der du mit deiner lieblichen Harpfen den bösen Geyst vertreibest/ vnd sihe wie doch das wüten oberhand genommen/ vnd deine liebliche Psalmen bei den verruchten Leuthen so gar vergessen/ vnd ein jeder Oberstier das ganze Volck zum tod bringe/ die Freyheit ihm abzutringen/ für welches du doch dich selbs in den tod wagtest. Komme herfür Elise/ der du den Feind in Samariam geführet/ vnd zum Freunde gemacht hast/ durch dich höret man in der Syrer Läger das prasseln viler Wägen/ die Stimm der Reuter/ vnd eynner grossen Macht/ Der Feind flohe/ vnd die Juden kamen der Belägerung ab. Woh bleibe jetzt solche Frombkeyt/ woh seind nuh solche werck der Heylige? Aber es ist keyn wunder/ das sie der Propheten Werck verloren/ die der Propheten Meystier verlängnet haben. Darumb seind nuh liebes Juda/ deine Waffen wider dich gewendet/ vnd dein Gebett ist dir keyn nüz/ dann dein Glaub ist krafftlos/ darumb ist dein Volck wider dich wordē/ dan dein Meyneyd ist wider dich gerichtet. Was wil man für hülf suchen/ da der Anfänger des Heyls nit verführet wird? Was meyntesiu wol das anders aesehehen würde/ da du mit deinen Händen dein Leben tödtest? da du mit deinem geschrey deine Fürsprecher verwarffest/ den das du deine Hand auch an dich selbs würdest legen. So hastu nuh was du begertest/ den Fürsten des Lebens hastu dir selbs ensozgen/ du hast gebetten das der vollmächtige Herz deines Lebens getödtet würde/ vnd das man dir Vars



dir Barzabam gebe/der vmb Auffruhr vnd Mord willen/ so in der Statt für gangē/ in das Gesfängniß geworffen worden. Darumb ist das Heyl von dir gewichen/ der Frid weg gangen/ die Ruhe hat auffgehört/ vnd dir Auffruhr vñ Verhergung zu theyl wordē. So nuñ nuh heutiges tags war/ daß dir Barzabas lebe/ vnd Jesus gestorben sei. Darumb regieret in dir Auffruhr/ der Frid ist begrabē/ daß du vil grausamer von den deinē/ vnd ehe denn dich die Freindē erwürgen/ vmbkommest. Ach du elende Statt/ wo haben dir die Römer mit ihren Waffē so vil vnglücks angethan/ als dein eygen Volck? Daß die Römer stritten/ das haben dir die deinē zuwegen bracht: Die Römer begertē Frid/ du botest Krieg an. Was verursacht dich doch/ daß du die stärckere anreyst? Es ist zwar beschwerlich/ daß eyn Heydnischer dem heyligē Gesez zu wider in den Tempel gangē/ aber es war jetzt nit Gottes Tempel. Du warest nit eyn Statt Gottes/ kontest auch nit sein/ die du der Todtē Grab warest/ sonderlich der deinē/ die du selber getödtet/ nit die du vorm Feind verlorē hattest. Dann wie kontestu des Lebens Behausung sein/ die du eyn ne Wohnung des Todes warest/ eyn Herberg der Laster/ vnd eyn Mördergrube? Es lagē in dir Ananus vnd Johannes/ die Hohenpriester vnbegeben/ die vor langest mit Priesterlichem Schmuck bekleydet/ vnd von den Außländischen geehret wordē/ die lagen gar abscheulich. Ihre Leichnam seind der Vögel Speise/ vnd von Hunden gefressen worden/ ihre Glider zerzeret/ vnd in der gangen Statt zerstreuet/ daß die gestalt der alten Heyligkeit gleichsam beklaget/ solche grosse schmach des heyligen Namens/ vnd die verwüstung des Amts/ das vor zeiten in großem ansehen war. Aber du hast selbs zu solcher vnbilligen That den anfang gemacht/ da du die Heyligen des Herzen getödtet hast. Vor dem Tempel lag Zacharias tod vnd vnbegeben. Darumb wäscht dein Blut jehnes ab. Warum ist aber Ananus getödtet worden/ Dann daß er dein Volck straffet/ das sie sich nicht auffmachten den Tempel zubeschirmen/ vnd ihnen verweiß/ daß die Freyheit verloren/ die Tugend verlassen/ vñ die vbrige alte Gottesdienst mit Füßen getreten/ die Altar verunreyniget? Ja der darieth/ daß man dz Volck/ so durch den brauch der vnempfindlichen Götzen verunreyniget war/ vnd wie die Bilder keyn Verstand hette/ solte fahre lassen. Dañ die vnuernünftige Thier haben die art/ daß sie empfindē was man jhnē leids thut/ vñ begeren entweder die vnbilligkeit zurächen/ oder werden durch eynen Stachel bewegt/ die streych zuuerhüten. Derhalbē wer sich nit bewegen läßt/ vñ das schädliche nit verhüten kan/ der ist gleich denen dingen/ die nichts empfinden. Vñ fürwar woh ist deine Freyheit/ vmb deren willen du vor zeitē weder den Egyptern/ noch den Philistern/ noch den Assyrern/ noch auch den Medern weichen woltest? Woh ist der Macchabeer Glaub/ der vor zeiten mit wenigen die Babylonier erlegt? die Perser gejagt/ den Demetrium geschlagen? Endlich auch des Antiochi Waffē/ Schwert vnd Feuer in den Kindern vnd Weibern überwunden hat/ die für die Väterliche Gesez lieber sterben wolten/ denn dem Königlichen Gebott gehorchen. Woh bleibt die aller schönste Andacht der Vätter in allem Leiden/ vmb welcher willen sie sich nit für die Kinder/ nit für die Weiber so schz/ als für den Tempel Gottes/ willig in den Tod ergabē? Es blühete auch zuuor die Priesterliche Ruthe Aaron/ die von eynem wilden wurzel geschnittē war/ Nuh aber ist auch der Glaub verdorret/ die Gottesforcht begraben/ vnd aller euer nach der Tugend vergangen. Es ist zwar keyn wunder/ so das Volck/ das von Gott abgewichen ist/ vñ dem böshafftigen verkehrten Geist folget/ vnter sich selbs zertheylet ist. Dann wie solte der seinen Fridē behalten/ der Gottes Friden verschmähet? Der Fridē Gottes ist Christus/ der auß beydē eyns gemacht/ Seind derhalbē billich auß eynem Volck vil wider sich selbs worden/ dieweil sie dem Herren Jesu nit haben folgen wollen/ der die zertheylete vereynbaret/ sondern habē gefolget dem wütenden Geist/ der die eynigen zertrennet. So hastu nuh liebes Jerusalem den Lohn für deinen Meyneyd empfangen/ da du mit deinen Händen deine Bestunge zerstöret/ vñ mit deinem Schwert deine Glider durchstochen hast/ also das der Feind eyn mitleidē hette/ als du tödtet/ vñ er verschonet/ als du grausam tobest. Dañ du sihest dz Gott wider dich stritt/ vñ auff der Römer seiten stund/ daß du dich selbs freiwillig verzahten mustest/ vnd darumb wollen die Römer vil lieber Zuschawer sein/ den Bürger/ auff daß sie nit/ da deine Glider vnter jhnē selbs enzündet seind/ dafür gehalten wurden/ als ob sie mehr süchtige/ denn starcke Hände angelegt hetten. Zu diesem schandlichen Mord kam noch die vnmensliche grausamkeit/ daß sie alle die so entwedder im Tempel/ oder auff der Gassen erwürgt/ vnbegeben ligen ließen/ ja es hatte niemand weil zu bestätigen/ dieweil sie mit dem Krieg vnter eynander zuschaffen hatten/ vnd männiglich mehr sorget/ wie er würgen möchte/ dann wie er die Todten begrube. Also waren durch das wüten die Werck der Liebe vergangen/ vnd namen die Geschafft der vnarmherzigkeit oberhand/ vñ war in solchem großem Vnglück nichts so gar verloren/ als die Barmherzigkeit/ die alleyn das Elend pflaget zu lindern/ vñ in Bekümmerniß zu trösten. Dañ auch die jehmige/ so die ihren verloren hatten/ sie auß forcht nicht begraben dorffen/ dieweil eyn groß schrecken einfiel



von den Obersten der auffrührischen Partheien/ vnd eben die/ so gewürget hatten/ wehretē dem andern/ das sie niemand erwischet zu begraben. Musste derhalben jedermann in forcht stehen/ damit er nit das jehlige/ was er eynem andern mittheylen wolte/ jhm selbs enzöge: Oder welches noch ärger ist/ so er andern Begräbnis bereydet/ er selbs keyne erlangē konte. War derhalben im Tempel an statt der wolriechenden Salb/ köstliches Rauchwercks/ vñ allerley lieblicher vñ wolriechender Blumē/ eyn gewlicher gestanck von den vn begrabenen Cörpern/ die der Regen erweycket/ etliche das Feuer verbrant/ etliche die Sonne erhisset/ alle Glieder der erschlagenen Burger stuncken sehr gewlich. Nie war der faule gestanck von dem verfaultē Eingeweyd/ da der Geruch der verbrantē/ vñ erfüllet der Lebendige Mund vñ Nasen/ das sie nit vber lang hernach/ in grosse Kranckeyt fielen/ vnd darüber seuffseten/ das sie vberbliben/ als die bald dar nach mit grösserem schmerzē sterben müstē/ vnd eben darzu behalten wurde/ das sie sehen müstē/ das jhnen samit dem Vatterland auch das Erdreich/ das natürliche Recht den Lebendigen/ der Frid den Burgern/ die Begräbnis den verstorbenen versaget/ vñ alle Menschliche vñ Götliche ding besleckt vnd verunreyniget würden/ vnd alles vnordenlich vnter eynander giengē/ die Barmhertzigkeit für schand/ die grausamkeit für eyn Gottesdienst gehalten wurde/ dz im Tempel eyn Heerlager/ im Eingang Krieg/ auff den Altaren Leichen weren/ vnd solche ding vor augen sehen/ welche sie den Propheten/ die es zukünfftig verkündigt/ nit geglaubt hetten. **Psalm. 79.** Dauid<sup>a</sup> hat dauon gesagt: Sie haben deinen heyligen Tempel verunreyniget/ sie haben den Leichnam deiner Knecht den Vögeln zu essen geben/ sie haben jhr Blut vergossen wie Wasser/ vmb Jerusalem her/ vnd war niemand der sie begrub. Dañ es waren dazumal auch die Heyden in Gottes Erbtheil kommen/ die alles wegnamen/ vnd der Tempel ward verunreyniget durch der jhren Leichen/ vnd die Cörper der getödteten lagen vn begraben/ wurden von den Vögeln vnd wilden Thieren gefressen/ das Blut vergossen/ anzuzengen/ das keyner dawere/ der da begrube/ dann das wüten gieng von den Lebendigen zu den Todten/ von den Todtē/ zu denen die noch lebten. Wann eyn er wolt eynen verstorbenē zur Erden bestätigen/ so ward er selbs erwürget. Vnd der den verstorbenen getödtet hatte/ der warff seinen zorn auff den Begräber/ damit jehner gar nit begraben würde/ so erwürget er disen: Der den Begräber tödtet/ der vbete grössere grausamkeit an dem Todten/ in dem er den/ dem man nit kan mehr seind sein/ vnd der keyne straff mehr empfindet/ der lesten Pflicht der Natur beraubet.

Was könnte denen anders begegnen die Gottes wort nit annamen/ der Propheten predigten verachteten/ alle Billigkeit mit Füßen traten/ vnd an die zukünfftige ding nit glaubten/ zu welchen sie doch selbs holffen/ das sie desto ehe geschahen. Dann es war eyn alte vnd gemeyne Sage/ das als dann die Statt Jerusalem zu grund gehen/ vnd jhr Heyligthum verbrant werden soite/ wann der auffrührische Krieg das Gesez angreiffen/ vnd der einheimischen Hände den Tempel Gottes verunreynigen würden/ Aber sie verstunden das auch nit. Dann wie offte ist wol das Haus Gottes zerstöret worden/ wie offte hat die Auffruhr/ Belägerung/ vnd Krieg erlitten: vnd ist doch niemals gar vertilget worden/ dann da sie den Herren/ den wahren Tempel Gottes/ mit jhren eygenen Händen gecreuziaet? Darumb müssen sie auch das hören/ Brechet disen Tempel ab/ so wil ich jhn in dreien Tagen wider aufferwecken. Dann was ist anders/ dann eyn vngöttliche That gewesen/ da sie jhre Gottlose Hände an den Fürstē des Lebens gelegt/ da sie jhn gesteyniget/ geschlagen/ gezüchtiget vnd getödtet? Dazumal hat warhafftig das Göttliche Feuer jhr Heyligthum gar verzehret. Dann ob es schon zuuor von den Babyloniern verbrant/ ist doch wider gebawet/ Darnach da er von Pompeio zerstöret/ ist es abermal auffgerichtet. Aber da ist es gänzlich aufgebrant/ als Jesus kommen/ da ist es für Hise des Geistes Gottes zerschmolzen vnd verschwunden.

Ich hette wol sollen mit grösserem wehklagen/ als von eyn er Leich der Väterlichen zierd hergehen/ vnd gleichsam die Begängnis halten/ vnd nach altem brauch verzichten. Aber wir wollen zu der Summ der zerstörung Jerusalem/ vnd verstossung der Juden greiffen. Dann sie seind billich zu verwerffen/ vnd gering zu schätzen gewesen/ dieweil sie den Herren Jesum/ der alle Schätz vbertrifft/ vmb dreissig Pfennig von dem Jünger erkaufft/ nicht das sie jhn zum Herren haben möchten/ sondern das sie jhn/ als eynen Vbelthäter auß dem Land der Lebendigen weggriffen. Darumb seind sie billich von jhrem Erbtheil/ geringer den die Sprewer/ in alle Land von den Heyden/ für welchen sie sich besorgten/ das sie jhnen nit Land vnd Leuth nemen/ verwehet vnd zerstreuet worden. Vnd die den Herren Jesum vmb dreissig Pfennig erkaufft/ zu vertilgen/ die haben darnach billich gesehen/ das dreissig Häubter der jhren vmb eynen Pfennig/ zum Spott verkaufft wurden.

Dieweil den fast alle Juden eynmütiglich in den Tod vnser Herrn Jesu Christi verwilliget haben/ seind sie auch/ da die Racht angangē/ fast alle auß allen Landē zum Fest der Süßens brot zusamen



brot zusamen kommen/ vnd plötzlich mit Krieg vberfallen wordē. Also das erstlich eyn schändliche Seuch auß der enge des Orts/darnach bald der Hunger vnter ihnen entstanden ist. Daß aber eyn solche grosse mänge Volcks in der Statt hab sein könnē/ ist von denen abzunemmen/die vnter Cestio gewesen/Daß Florus dazumal alle Männer in der Statt gezählet hat. Dann dies weil er Neronem/der das Volck verachtet/ gern berichtet hette/ vnd an die Hohenpriester begeret/das sie die mänge/wie sie könten/abzehleten/haben dieselbigē/am Osterlichen Fest/ da man von der neunnden Stund/ bis vmb eylff die Dpffer schlachtet/ vñ in jeder Gesellschaft nit vnter zehen Menschen waren (dann sie dorffrens nicht alleyn essen/ sondern vil Nachbarn kamen zusamen) zweymal hundert / sechs vnd fünffzig tausent / vnd fünffhundert Dpffer gezehlet. Wann man nuh zu jedem zehen Geste rechnet/ so laufft die Summa auff zwensigmal hundert/ vnd sibenhundert mal tausent/ die da alle heylig vnd reyn seien. Daß weder der Auffäsige noch beslechte/ noch Samflüssige/ die man Weibische neüt/weder die Weiber die mit ihrer Kranckheit beladē/ noch die sonst verunreyniget/ an den Dpffern theyl oder gemeynschafft habē dorffren. Ja auch die fremblinge nit / aufgenommen die des Gottesdiensts halben kommen waren. Es versamlet sich aber dise grosse mänge von den Außländischē. Dazumal aber ward dz ganze Volck durch Gottes Fürschung/ gleich als in eynem Kercker verschlossen/ die Statt mit menschen erfüllt/vnd mit Krieg belägert. Vbertrifft also die anzahl der erwürgten/alle straff die ihnen von Menschen begegnet/vñ von Gott zugesandt/welche sie zum theyl offentlich erwürgt/zum theyl die Römer gefangen habē. Dann sie durchstöreten die heymliche Gemach / vnd offneten die Gräber/vnd tödteten alle so sie darinnen funden. Es wurden jhr aber mehr denn zweytausent daselbs gefundē/deren etliche sich mit ihrer eygnen Hand entleibet/der mehrertheil aber sich vntereynander erwürgt/ etliche Hungers gestorbē. Daß sie littē die straff vmb ihre bubensstück/die da/nach dem sie Jesum den vollmächtigen Herren des Gottesdiensts/demnach auch seine Jünger verfolget. Doch haben vil Juden/der Heyden aber sehr vil an jhn geglaubt/da sie durch seine Lehr vñ Wunderwerck/die aller Menschen vermögen vbertraffen/gerenzt worden/welchen auch sein Tod weder den Glauben noch die Gnad auffgehoben/sonder ihre andacht gemehret hat. Sie haben auch mörderische Hände angelgt / den Anfänger des Lebens zu Pilato geführet/vñ den Richter der sich wägert/ getrunge/darinnē doch Pilatus nit entschuldigt/sondern der Juden vn Sinnigkeit gehäuffet wird. Daß er solte den nit verdamt haben/den er im geringsten nit schuldig befunden/nach dise vngöttliche That mit dem Mord doppeln/ daß er von denen verdamt würde/der sich freiwillig sie zu erlösen/vñ zu hehlen hatte dargebotten. Dann wiewol gemeldter Pilatus die Hände gewaschen/vnd gesprochen: Ich bin reyn von dem Blut dieses Gerechten/ sehet jhr zu/ So ist er doch nichts desto minger schuldig/der die Herzigkeit des Herren Auferstehung erkant/vnd vngern aufzubrenten begeret/ Aber er hat als eyn Meyneydiger/nicht wöllen glauben/wie es sein Brieff/den er dem Keyser zugeschickt/bezeuget.

Pontius Pilatus wünscht Claudio Glück vnd Heyl: Es hat sich newlich begeben/welches ich auch selbs bewilliget/daß die Juden auß Neid sich vnd ihre Nachkomme mit grausamer verdamnis gestraffet. Dann ihre Väter hatten die Verheysung/daß ihnen jhr Gott seinen Heyligen von Himmeln senden wolt/der billich jhr König genennet würde / vnd versprochen/ jhn durch eyne Jungfraw auff Erden zusenden. Als nuh der Hebreer Gott disen eben zu der zeit/da ich Landpfleger war / in Judeam sendet / vñ sie gesehen daß er die Blinden sehend gemacht/die Auffäsigen gereyniget/ die Sichtbrüchigen gesund/ die Teuffel auß den Menschen vertriben/ia auch die Todte auferwecket/den Windē gebotten / mit trockenen Füßen auff des Meeres Wällen gewandelt/vñ vil andere ding gethan/da alles Jüdische Volck jhn Gottes Sohn nenneten/ habē die Obersten der Judē eynen Neid wider jhn gefasset/jhn gefänglich mir vberantwortet/vñ eyns vbers ander auff jhn erlogen/vnd zu mir gesagt/gaben für er were eyn Zauberer/vnd thäte wider jhr Gesetz. Ich glaübt es were also/ geysfelt/ vnd vbergab jhn ihrem willen. Sie aber haben jhn gecreuziget/ vnd sein Grab mit Wächtern verhütet. Da nuh meine Kriegsknecht die Wacht hielten/ ist er am dritten Tag wider auferstanden. Aber die Juden waren dermassen für Bosheit verbittert / daß sie den Hüteren Gelt gaben / vñnd sprachen: Saget seine Jünger haben seinen Leichnam genommen. Aber da sie das Gelt empfangen hatten/haben sie nit können verschweigen was geschehen war. Dann sie haben bezeuget/ daß sie jhn gesehen hatten Auferstanden/ vnd daß sie von den Juden Gelt empfangen. Das hab ich darumb angezogen/ daß nit jemand etwas anders liege/ oder der Juden Lügen glauben gebe.

Die Meynendigen zeugen selbs von ihm / wie es Josephus der Geschichtschreiber meldet/ Daß zu derselbigen zeit gewesen sei/ eyn weiser Mann ( so sichs anders gebüret/ spricht er/ jhn eynen Mann zunennen ) der grosse Wunderwerck gethan / vñnd seinen Jüngern vber drei Tag nach seinem tod lebendig/ laut der Propheten Schrift/ erschienen/die beyde dieses vnd

Joseph. lib. 6. ca. 45.

Pilati Brieff an den Keyser Claudium/ von Christo.

Josephus von Christo. lib. 18. cap. 4. des Alten Geschicht.



Von Josepho.

Cap. 49.

Matth. 24.

Cap. 9.

andere unzählliche ding voller Wunderwercks von ihm geweissaget. Von welchem die Versammlung der Christen angefangen/ vnd in allerley Geschläch der Menschen kommen. Ist auch keyn Volck des Römischen Reichs vberig / das nicht an seinen Gottesdienst theyl hette. Wann die Juden vns nicht glauben wollen/ so mögen sie nur den ihren glaubē: Das hat Josephus gesagt/ den sie gar hoch halten. Vnd zwar er hat die warheyt geredt / von wegen der warhafftigen Geschicht/ dieweil ers für eyn vnbilliche That hielt/ mit der vnwarheyt umbgehen/ hats aber selbs nit geglaubt von wegen seines Herzens härtigkheit / vñ halbstarrigen Meyneyds: Damit doch der warheyt nichts entnommen/ ob er gleich nicht geglaubt/ sondern das zeugniss desto kräftiger gemacht/ dieweil auch der vngläubige/ die warheyt mit vnwillen bekennet hat/ Darinn des Herzen Christi Jesu ewiger gewalt erscheinet / das ihn auch die Obersten der Synagog / den sie doch zum Tod gegriffen/ eynen Gott bekannten. Vnd fürwar er hat wie Gott/ ohne annehmung der Person/ oder eynige forcht des todes geredt/ auch die verhergung des Tempels verkündiget/ Aber es hat sie nicht die vnbilligkheit des Tempels bewegt / sondern dieweil sie von ihm in ihren Lastern vnd Gotteslästerung gestrafft wurden. Daher ist der zorn entbrannt/ das sie den getödtet/ der von Ewigkheit her gewesen. Dann da andere durch Gebete erlangt habē zuthun/ was sie gethan hatten/ Diser auß eygener Macht/ alles/ was er nur wolte geschehen haben/ zuwegen bracht. So ward nuh am 8. tage des Herbstmonats die Statt verbrant/ die ganze zeit vber/ so lang die Belägerung gewäret/ seind zehenmal hundert tausent vmbkommen/ oder eynffmal hundert tausent / wie der mehrertheil sagen. Welche zwar alle Juden gewesen/ aber nicht alle auß demselben Lande oder Gegend/ dann sie warē allenthalben her auff das Osterfest dahin kommen/ Siben vnd neunzig tausent seind gefangen weggeführt. Zu dem/ waren die Gefangene/ von wegen der grossen mänge so wolfehl/ das ihret dreissig von den Römern vmb eynen Pfenning/ öffentlich verkaufft worden. Als aber die Belägerung ihre endschafft erzeucht/ hieß der Keyser Titus/ Statt vnd Tempel auff den Boden schleyffen/ auff das das wort des Herzen Jesu erfüllet würde/ das er zuvor verkündiget: Warlich ich sage/ es wird nicht eyn Steyn auff dem andern gelassen werden / der nicht zerbrochen werde. Vnd zwar eyn solch end hat die Belägerung Jerusalem genommen.

Dise Statt hat anfänglich gebawen eyn Mächtiger vnter den Cananitem/ der nach des Vatterlands Sprach der gerechte König genant war/ vnd sie erslich Solymam geheissen/ darnach eynen Tempel darzu gebawet/ daher die Statt Hierosolyma genant worden. Anfänglich haben Cananiter darinnen gewohnet. David ist der Erste Hebraische Mann/ der die Cananiter darauff vertriben/ sein Volck dahin gesetzt/ vnd ihm eyn Königlich Haus darinn gebawen hat. Er war auch willens Gote eynen Tempel zu bawen / aber es ward ihm durch eynne Göttliche Antwort gewehret: Doch verließ er Salomonem zum Erben/ der den Tempel/ welchen er gelobet/ bawen solte. Bawet derhalben Salomon den Tempel/ vnd die andere König haben vil darzu gethan/ das die Statt gezieret wurde/ Es bracht ihnen aber die grosse Herzligkheit vngunst. Doch obertraff der Tempel alle Werck mit köstlicher arbeit/ vnd schönen glänzenden Marmelsteynen: Der Vorhang war sehr köstlich vñ groß/ von Rosinroth/ gäler Seiden/ vñ aller köstlichsten Leinwad vnd Purpur gewircket/ vñ ist die Materij solcher seltsamē gattung nit vergebens darzu gebrauchet/ sondern eyn jedes hat seine verborgene deutung gehabt: Nemlich das der Tempel dessen were/ der vber Himmelf vnd Luft/ Erd vñ Meer / als eyn Schöpffer aller Element herrschet/ alles alleyn regieret vñ verwaltet. Dann dz Rosinroth/ bedeut den Fewrroten Himmel / die gäle Seide/ den Luft/ die köstliche Leinwad/ die Erde/ Purpur das Meer/ die mit Meerschnecken Blut gefärbet wird/ das man also zwey auß der Farb/ zwey auß dem Gewächs verstehē kan. Es pfleget auch d Hohepriester die vier Geheymnis an seine Kleid anzuzeygen auff die Hohe Fest/ als ob er die ganze Welt anzöge/ wann er für dz Volck bettē wolt/ zum Fürbild des Herzen Jesu/ der als der rechte Hohepriester kommen solt/ vñ der ganzen Welt Sünde tragē. Es bedeckt auch der Hohepriester seine Hüfft mit eynem Leinen Niderkleyd/ anzuzeygen/ das der Priester vor andern in seinem Herze gläubig/ vñ an seinem Leibe keusch sein/ vñ damit des Fleisches geylheit begürten sol. Es waren zwey heylige Tabernackel/ eyn innwendiges vnd eyn außwendiges/ In dises giengen die Priester allezeit/ in jehnes innwendige aber/ das das andere genent ward/ gieng der Hohepriester nur eynmal/ vñ doch nit ohne Blut/ welches er opffert für sich vñ des Volcks Missethat. Dardurch der heylige Geyst dz angezeygt/ dz der Herz Jesus würde kommen/ der warhafftig alleyn eingieng in dz aller innerste der Göttliche geheymnis/ vñ in dz verborgene des Himmlichen Wesens/ der da alle ding alleyn wußte/ vñ den Vatter mit seinem Blut die ganze Welt versöhnet/ das er sich beyde deren im Himmel/ vnd deren auff Erde erbarmet. Endlich da er kommen ist/ hat er alles zu friden gestellt durch dz Blut seines Creuzes/ beydes was im Himmelf vnd auff Erden ist. Innwendig war der Räuch Altar/ der Tisch/ der Leuchter.



Leuchter. Der Räuch Altar bedeutet/ dasz dises grossen Priesters Gebett/ wie eyn Räuchwerk/ für Gott den Vater könne. Der Tisch/ dasz darauff Christi Leiden sei/ vnd die geheimniß der Sacrament. Daher auch David spricht: Du bereytest für mir eynen Tisch/ die Apostel/ als Psalm. 23 die zwölff Schawbrot seind Zeugen seines Leidens vnd seiner Aufferstehung. Das Liecht welches auff den Leuchter gesteckt wird/ war zuuor vnter dem Schöffel/ das ist/ vnter dem Mess des Geseßes/ nuh aber ist es vnter der Gnadenfülle/ vnd gibt eyn immerwährendes Liecht von dem Leuchter mit sibem Lampen/ darumb dasz der heylige Geyst mit sibem grossen gnaden Tugend den Tempel Gottes erleuchtet. Derenhalben war das erkänntniß der Heyligen Dreifaltigkeit im aller innwendigsten ort des Tempels/ welches das Allerheyligste genannt ward/ da vorzeit die Ruth Aaron/ als sie dahin gelegt worden/ geblüet/ anzuzeygen dasz die Priesterliche gnad in Christo mehr nutz schaffen würde nach dem Tod/ dadurch er die Welt erlöset.

Wann nuh die Juden hetten wollen glauben/ hatten sie wichtig Zeichen gnug der nahenden Zerörung/ dardurch sie als mit deutlicher Stim erinnert wurde/ dasz ihr ende sich herzu nahet. Dann fast eyn ganzes jar zuuor/ stund vber dem Tempel eyn Comet/ in der gestalt eynes Fewrigen Schwerts/ welcher verkündiget/ dasz das Volk/ Regiment vnd Statt/ durch Schwert vnd Feuer solte verwüstet werden. Dann was solte die gestalt des Schwerts anders bedeuten denn Krieg? Was solte das Feuer verkündigen denn Brunst? Er ist aber gesehen worden ehe denn sich das Volk von den Römern abtrennet. In den Oesterlichen Tagen aber/ am achten tag des Aprillen/ vnd so fortan alle Nacht/ vmb die neuh Vhr/ leuchtet der Tempel vnd Altar also/ als ob es Tag were/ dasz denn täglich bei eynen halben Stunde wäret: Welches der gemeyne Mann dahin deutet/ dasz es eyn Warzenchen were / dasz sich das Volk versammeln solte/ kamen derhalben dahin / als ob die zeit/ ihre Freiheit wider zu erobern/ vordanden were. Die Verständigere vermutet/ dasz solcher Sternen art pfleget Krieg zuverkündigen. Auff das aber nieman meyne/ als ob wir anders von der sachen geredt hetten/ denn es unserm Gottesdienst vnd der Ehrbarkeit gezimmet. So geben wir für/ nicht was vns gut dunckt/ sonder was sich zugetragen/ was für meynung zu derselben zeit gewesen / was die Weisen vnd Anweisen hievon gehalten: Vnd wann von der Jude Sect etwas gesagt ist/ sol man nit meynen/ dasz wirs darumb geschriben / dasz wir derselben Gottesdienst für warhafftig halten / vnd nit vil mehr als Schatten vñ Figuren vorher gesezt/ dasz das vollkommene darauff folge. Dann von den Zeichen der Sternen werden wir auch im Evangelio berichtet/ dasz Zeichen an Sonne/ Mond vnd Sternen geschehen sollen/ Sie haben auch gesagt / dasz eyn junge Kuh/ vor dem Altar/ als sie solte geopfert werden/ mitten im Tempel/ eben an obgemeldtem hohen Fess eyn Lamb geboren habe. Item dasz das innere Thor gegen Auffgang/ welches ganz Erind vnd schwer/ vnd zwanzig Mann mit grosser mühe vnd arbeyt auff den Abend pflegten zu zuthun/ vnd mit Eisern Nigeln wol verwahret gewesen / etliche Nacht von ihm selbs auffgangen/ vnd von den Hüttern kümmerlich hab wider können zugethan werden. Das hielt auch vil für eyn Zeichen zukünftigen Glücks/ welchen sich das Thor selbs auffthete/ damit es hinein können möchte. Die aber etwas bescheydener waren / sagten/ dasz des Tempels hut würde auffgehoben/ vnd alles was darinnen were/ von Feinden geraubt werden/ der Gottesdienst wandern/ die Einöde an die statt kommen/ die heylige Versammlung verlassen/ vnd das Opffer zerstöret werden. Welches man denn auch lisset/ dasz es/ ehe denn sie Christum Jesum gecreuziget/ außdrücklich angezeyget worden. Es erschien auch vermer nach vilen tagen eyn vberaus grosses Gesicht/ welches sehr vil hin vnd wider gesehen/ wie es der Juden Bücher bezeugen. Vor der Sonnen Untergang sahe man plözlich in den Wolcken Heerwägen vnd gewapnete Kriegsbeer/ welche das ganze Jüdische Land/ vnd desselben Lands Stätte anlicffen. Es haben auch die Priester/ die bei Nächtlicher weil in den innern Tempel gegangen/ ihre gewöhnliche Opffer zu verachten/ angezeygt/ dasz sie am Pfingstfest/ erstlich eyne Bewegung empfunden/ vnd eyn gepolter gehört / welches mit vrploslicher Stimme geruffen: Lasset vns vordannen ziehen. Desgleichen auch vier Jar / vor anfang des Jüdischen Kriegs da noch in der Statt guter Frid/ vnd alles vollauff war / vnd man das Fest der Lauberhütten herrlich begienge / tratt cyner mit Namen Jesus/ Ananie Sohn/ eyn Bawersmann in dem Tempel/ fieng an zu schreien: Eyne Stim von Auffgang/ eyne Stim von Nidergang/ eyne Stim von den vier Winden/ eyne Stim vber Jerusalem/ vnd den Tempel/ eyne Stim vber Braut vnd Bräutram/ eyne Stim vber das ganze Volk. Das geschrey tribe er Tag vnd Nacht. Dises verdross die fürnehmsten des ors/ schalten ihn / als die sich vber seinem erschrecklichen anzeygen entsetzten/ vñ steupeten ihn vbel/ auff dz er doch durch schmerzliche Straff auffhöret/ solche erschreckliche vnd ungewore ding zuverkündigen. Aber er ließ sich weder forcht noch freych/ oder andere ernste Verbott schröcken / dasz er seine weise oder Stim verändert/ sondern blieb in



seiner Weissagung/ vnd auff seinen worten beständig/ ließ sich auch keyn bitten daran hindern/ verachtet alle vnbilligkheit/ vnd ließ sich gar nit bewegen. Als sie aber meyneten/ es geschehe mit nichten auß fürsaz/ sondern er würde ( wie es auch die warheit war) in enkuckung des Gemüts getriben/ brachten sie ihn für den Statthalter des ortes/ dem dazumal von den Römern in derselbigen gegend die verwaltung der gemeynen Aemter beuohlen war. Derselbe/ damit er die warheit erfähre/ ließ ihn greulich geyseln/ der meynung/ er wolte die warheit vñ ihm erfähre/ je mehr er verharret/ je häfftiger er den Menschen geyseln ließ/ ob er vिलleicht etwas heymlicher Anschläge von eynem zukünfftigen Tumult erforsche möchte. Aber er weynet gar nit/ bat auch nit vmb die gnade/ sondern beklaget inniglich/ auff eynen jedē streych/ nit sein/ sondern des Vaterlands verderben/ vñ sprach: Wehe Jerusalem. Gab auch keyn antwort/ so man ihn fraget/ wer er were/ von wannen er käme/ oder warumb er so eynereley sagte/ sondern trieb nur dz Klage lied des Vaterlands für vnd für mit erbärmlichem geschrey. Das auch Albinus (dann so hieß der Mann) müde ward/ vñ ihn von sich ließ/ als eynen dollen vñ vnnsinnigen/ der da nit wüßte/ was er sagte. Er heet mit niemand keyne gemeynschafft/ man höret ihn auch die vbrige zeit nicht anders reden/ sondern dz klägliche Todtengesang singen/ vñ Tag vnd Nacht solches wiederholen/ wehe Jerusalem. Flucht auch niemand der ihn schlug/ dancket niemant der ihm Speise gab. Es war eyn eynig vñ stätig klägliche Leichgeheul gegē allen/ sonderlich wañ man die herrliche Opffer verrichtet. Solche eynereley weise vnd geschrey wäret sibē jar/ vnd fünff Monat. Ward auch in so langer zeit nicht müde/ biß die Belägerung angieng/ da vnterließ er solch geschrey gerad/ als ob er nuh auffhören müßte zu Weissagen/ weil das vorhanden/ daß er verkündiget hatte. Endlich als die Statt vñ Tempel anfangen zubrennen/ gieng er auff der Mauer vmb/ hub wider an zu schreien/ weh der Statt/ dem Volck/ vnd dem Tempel/ leglich hencket er auch daran: Weh auch mir/ da ward er mit eynem Geschüß getroffen/ daß er mit derselben Stim den Geyst auffgab. Es war auch mit alten Buchstaben geschriben/ dz die Statt samit dem Tempel als dann verderben würde/ wann der Tempel viereckig worden. Derenhalben (ob sie entweder vergessen/ oder vber solchem grossen vnglück erstarret gewesen) da die Burg Antonia eingenommen war/ haben sie des Tempels vmbgang viereckig gemacht. Zwischen welchen diß dz aller fürtrefflichst (welches eben mit so alten Buchstaben/ die sie heylige neüeten/ eingehawen blib) daß vmb dieselbige zeit eyn Mann würde sein/ der von ihrem Lande die Herrschafft vber die ganze welt annehmen würde. Welche sie den so wütend macht/ daß sie nit alleyn ihnen die Freyheit/ sonder auch eyn solch Königreich träumen ließen. Etliche haben dises auff Vespasianū gedeutet/ die verständigere aber auff den Herren Jesum/ der in ihrem Lande/ nach dem Fleisch/ von der Jungfraw Maria geboren/ sein Reich durch die ganze Welt hat außgebreytet. Biewol sie nuh durch solche gewaltige zeychen gewarnet gewesen/ konten sie doch nicht verhüten/ was von Gott beschlossen war. Dañ ob sie schon Gottes zorn offenbar wider sich sahen/ haben sie ihnen doch weder rathen noch helfen lassen wollen/ also gar hatten die Bubensstück die Augen ihres Gemüts verblendet. Da nuh alle ihre hoffnung auß war/ fieng Eleazarus/ des Lärmens eyn Anfänger/ vnter andern verzweuelten worten/ also an seine verstossung von Gott zu beklagen: O wir Elenden/ was ist das für eyne hoffnung dises Lebens/ darzu wir vns sparen? Wolan lastis also sein/ daß der Feind verzeihe/ was wirs vns helfen/ dieweil der zorn Gottes klar vnd offenbar ist? Das Feuer hat sich von dem Feind gegen vns gewendt/ der Wind hat sich verändert/ vñ die Flainne mit gewalt zu rück getriben/ daß vnser Dollwerck verbräuten. Wer wird können lebē/ wañ ihm Gott zuwider ist? Da ist keyne Gnad zu hoffen/ sondern daß wir vns freiwillig in den Tod geben. Dann warumb ist die Nacht darzwischen kommen/ den daß vns der Feind nit vorkäme/ oder nach dem die veste Schüttē verbrannt/ als bald herein siele/ Sondern daß vns zeit vorbehalten würde/ eynander selbs zu erwürzen/ vnd vns samit vnsern Kindern vnd Verwanthen zu sterben erlaubt were/ daß wir nit sehen dörfen die reichende alte Männer vñ Weiber von den Römern zerschleppē/ vñ die aller liebste Weiber zu des Vberswinders vnzucht hinreißen? Last vns mit dem Vaterland sterben/ damit wir nicht zu solcher vnehr vnd schande vberbleiben. Woh wollen wir aber hinslichen vor dem Angesicht Gottes/ woh wollen wir hingehen/ dieweil vns der Herr des Himmels feind ist? Wann schon die Berge vber vns fielen/ vñ mit Hölen vns verdeckten/ wie wollen wir doch den zorn solches gewaltigen Gottes abwenden? Dann woh wollen wir hingehen da Gott nit sei/ dieweil er allenthalbē ist? Seind die Exempel zu gering/ darauß wir verstehē können/ daß eben der/ so zuuor vnser vorsicher gewesen/ vor längest vber vnser Volck vnser Sünde halbē erzörnet sei? Wer wolte daran zwiueln dieweil er sibet das vnser eygene Hände wider vns selbs gewendet/ vñ mehr durch eyn heymischen Aufruhr/ den durch Krieg vmbkommen sein? Ich kans den Römern nit zuschreiben/ daß sie die Oberhand behalten/ ja sie selbs massens ihnen nit zu/ sintemal sie wissen/ daß wir fast

alle mehr



alle mehr durch vnser denn durch fremde Waffen vmbkommen. Dann was haben die Juden die zu Cäsarea gewohnet / für Römische Waffen gesehen? Am heyligen Sabbath vnter vnserm gewöhnlichen Gottesdienst ist eyn grosse mänge der Einwohner / zu Cäsarea / durch eynen plötzlichen Aufflauff vnd zorn / so von oben herab kommen / zwenzig tausent erwürget / alle in die Flucht gejagt / vnd also die ganze Statt verwüestet worden. Ist nit ganz Syria mit vn Sinnigkeit erfüllet worden / das die Juden vnd Landsleuth / so sich in eynerey Stätten hielten / vnd von wegen der Einwohnung eynander zuvor verbunden waren / darnach sich selbs mit Krieg also zugericht / das den Römern eyn guter Eingang zum künfftigen Sig bereydet worden? Dann was sol ich von Scythopoli sagen? dahin die Juden erstlich gezogen / damit sie den Landsleuthen zuvor kämen / das sie nicht auch nach anderer Statt Exempel etwas wider die vnser fürnemmen? Das also die Juden / die von Rechts wegen mit eynhelligem gewalt / wider die Fremddlinge kriegen solten / wider sich selbs solchen Anschlag gemacht / das ihrer eyn theil wider die Verwanthen vnd ihre Nächsten gestritten haben / Darnach sie für den Lohn ihrer arbeit vnd des vergossenen Bluts von den Einwohnern erwürget worden / welches sie den Einwohnern nicht haben wollen geschehen lassen. Die Damascener haben ohn alle vrsach acht tausent Juden erschlagen. Die Ascaloniter zwey tausent vnd fünffhundert. In der Statt Ptolemis sind zwey tausent erschlagen. Zu Alexandria aber war eyn alter groll zwischen Juden vnd Heyden / seit der zeit da Alexander Magnus / durch der Juden fleiß die Egyptier vnter sich gebracht: Daher er denn / nach dem die Statt gebawen / den Juden vnd Egyptern ihre Freiheit vnd vnterscheidene Wohnung / zu gleich gegeben hat / damit nicht deren Gottesdienst vermengert würde / die ihrer reynigung ohn alle befleckung halten wolten. Darauf haben sich vil Lärmen vnter ihnen erhaben / vñ seind grosse Gezänck entstanden / darüber sie eynander für Gericht gefordert. Doch ist nichts wider die gutthaten eynes solchen Königs freuenlich begangen worden / sondern darnach / als sich eyne Empörung vnter den Einwohnern erhaben / vnd etliche Juden erwürget wurden / etliche zur straff behalten / Da ward das Jüdische Volk durch die vnbilligkeit bewegt / sich wider die Anfänger der Vnbilligkeit auffzulehnen / vnd da sie sich halbstarriger an den Burgern wolten rächen / ward das Römische Heer eingeführet / welches sechzig tausent Juden in der Statt erschlagen hat. Aber was bring ich vil die zeit zu in geringem / dieweil die Zerstorung der ganzen Welt in eynerey Statt vntergang zubeweynen ist? Woh ist die gewaltigste Statt Jerusalem / woh ist die schöne Sion / woh ist der wunderbare Tempel / woh ist der ander Tabernackel / vnd das aller heyligste Ort / in welcher alleyn der Priester des Jars einmal pflegt zugehen / nicht ohne Blut / welches er für sich vnd des Volcks missethat opfferte? Es ist von den Heyden zerstöret / sie wohnen in den vberbliebenen stücken der Statt / die sie zerstöret haben. Woh / sag ich / bistu Volkreiche Statt / die du von Königen geehret / Gott angenehm / ein Sitz der Gnaden warest? Deine Pflaster waren von Marmelsteyn / deine Wände leuchtet von Marmel / deine Spiz glisteten von köstlichem Marmel / deine Thor schimmerten von Gold / etliche glisteten von Silber. Sie seind alle erwürget / beyde die statts in dir wohneten / vnd die sich zu dir auß der ganzen Welt versammelten / das keyn zweuel ist / die ganz Welt sei in dir vntergangen. Es ist alles entblöst / von den Spizen verbrannt / auß dem Fundament eingerissen / deine Wohnung ist Wüst worden / vnd ist niemand der in deinen Hütten wohne / vnd solte nuh eynen gelüsten zu leben / vnd nicht gerewen das er gelebt habe? Es müssen harte Augen sein / die das sehen können / vnmitte Herzen / die nach solchem jammer begeren vber zubleiben / nicht das das Vnglück auffgehöret / sondern das jetzt keyne Ruhe mehr vorhanden. Dann woh sollen wir vnser Augen hinwenden / oder was sol vns geliebet zu erwöhlen? Die ganze Statt ist der Todten Grab / man sihet nichts denn Asche / woh man hin schawet / die Strassen seind lár von den Lebendigen / aber voller Todten Körper. Die arbeitsetzige Alten haben ihre graue Haar mit Asche bestrewet / sitzen in zerrißnen Kleydern / vnd bedecken die entblöste Gebeyn / das sie dieselben vor den Vögeln vnd wilden Thieren vertheydigen. Wenig Weiber seind noch vnuerlet / die die Gottlose Kriegsnecht zur schand / nicht zum Lebē behalten haben. Wer darff die Augen / wann er solches sihet / vnd an länger leben gedencet / gehn Himmel auffheben? Wer hat seines Vatterlands so gar vergessen / wer ist den seinen so feind / vnd ohn alle natürliche Liebe vnd Holdseligkeit / Wer hat eyn solch halb Männisch vnd weych Gemüt? Wer ist so fürchtam / der sich nicht schämert / das er disen dingen vberbliben? Ach das wir vor längst gestorben weren / oder so wir leben müssen / das vns doch das Gesicht vergangen were / ehe denn wir die heylige Statt durch der Feinde Hände zerstöret / angeschawet / vnd den Tempel / der von vnsern Vorfahren Gott geheyliget / so schändlich verbrannt / oder die Priester im Tempel erwürget ligen gesehen haben. Dieweil wir dann je dis Vnglück erlebet / haben / so laßt vns doch der Sache noch rath thun / auff das man sehe / das wir nicht auß begird  
des Lebens



## 214 Summarische widerholung vorgemeldter Histori.

des Lebens/sondern auß lust der Tugend den Tod auffgeschoben haben. Der Feind hat alle vnser Bestungen vmbshant/ es ist nichts vberig/ denn wir vnd vnser Weiber. Sie verkauffen schon vnser Kinder/ vnd zanken vnter cynander/ wer dises oder jehnes Weib wegführe/ ob man sie nach eynes jeden Würde vnd Verdienst/ vñ Personen ordenlich auftheylen/ oder ob man vmb die Elende das Loß werffen solle. Desgleichen rüsten sie vns grewliche ding zu/ die aller größte pein/ so man kan erdencken/ nicht nur brennende Flammen/ oder mancherley tod mit dem Fallbeil (welches zwar eyn herber tod ist nach den Banden/ nach Gefängniß/ nach dem Joch/ aber doch etwas leidlicher den Männern/ wann es ohne spott geschicht) sondern das sie auch den Lebendigen die Glider abhawen/ vnd sonderlich die Hände verstimlen möge/ Vnd zwar nicht vnbillich/ dieweil sie ihr Ambt nicht trewlich außgerichtet/ da sie jhnen selbs fontē zu hülff kommen. Wir werden auch müssen von den wilden Thieren den Oberwindern zu Schwazspiel zerrissen werden/ welches jetzt schon in den Stätten in allerley Kämpffen geübet wird/ das vns zum wenigsten durch dis Exempel solt schamroth machen/ oder erbärmlich zusehen sein/ das wir darzu gesparet worden/ entweder mit den wilden Thieren/ oder mit vnsern Brüdern zu streiten. Vnd dergleichen vil andere ding mehr redet Eleazarus/ die voller misfuertrauen vnd verzweuelung waren. Auß welchen allen die Juden/ nach dem sie auß dem aufgang abzunemmen gehabt/ das Gott vber sie erzörnet/ haben sie ihn doch nicht als eynen Gott gepreiset noch gedancket/ sondern sind in jhren gedanken eitel worden/ vnd ihr vnuerständiges Herz ist verfinstert/ vnd haben den/ der alleyn zu den verlornen Schaffen des Hauses Israel kommen/ gehasset/ vnd in ihrem Haf gecreuziget/ haben sich auch vnterstande die Herzigkeyt der Aufferstehung zu vernichten. Dann wann sie es nicht erkannt hetten/ so were ihre Sünde nicht so groß. Daher der Herz selber zu jhnen gesagt: Wann ich nicht kommen were/ vnd hette es jhnen gesagt/ so hetten sie keyne Sünde/ Nuñ aber haben sie es gesehen/ vnd hassen doch Mich vnd meinen Vatter/ Sintemal sie es vom Vatter erkannt haben/ gleich wie auch die Tuffel/ die da sagten: Wir wissen das du Gottes Sohn bist/ sahen die Wunder/ vnd hörten die wunderbarlichste ding/ aber die Warheyt selbs haben sie nicht erkannt/ dann sie haben von wegen ihres Herzens hartigkeyt nicht glauben wollen. Dann wann sie geglaubt/ vnd warhafftig erkannt hetten/ würden sie nimmermehr den Herzen der Herzigkeyt (wie Paulus redet/ gecreuziget haben. Daher spricht der Prophet: Eyn Och kennet seinen Herren/ vnd eyn Esel seines Herren Krippe/ aber Israel erkennet mich nicht. Was wird durch den Ochsen anders verstanden/ dann eyn jeder heyliger Prediger/ der in dem Wort Gottes arbeitete? Was wird durch den Esel anders/ denn das tumme Heydnische Völk bedeutet? das alsbald es eynes jeden Hirten Predig gehöret/ zu der Krippe des Herzen gelauffen/ das es bei dem Futter Gottes Worts sein möchte. Es ist aber das Völk Israel nach zwey vñ vierzig Jaren seiner Heymsuchung billich auß dem gelobten Land verstossen/ dieweil es nach vierzig jaren seines Aufzugs auß Egypten in dasselbig/ wie man sagt/ geführt worden/ Vnd zum andernmal zwo Steynerne Taffel darinn empfangen/ durch welche die zweyjährige Zeit bedeutet/ die zu der zahl der verstorung bestimmet/ in welchen auch die erhöhung der Ehrenin Schlangen wol zumerckē/ durch welches anschawung eyn jeder Sterbender genesen ist. Dann gleich wie sie in derselbigen zeit auch mit Manna gespeiset/ vnd durch den Mittler Moysen das Gesetz auß Steynerne Tafeln geschriben/ empfangen/ vñ die in der stund des Todes die erhöhete Schlange nicht angesehen/ gestorben: Also zwischen diser zeit der Verhergung/ die das warhafftige Manna (dauon gesagt war: Ich bin das lebendige Brod/ das von Himmel kommen) nicht haben wollen heylsamlich empfangen/ vnd den wahren Mittler Christum Jesum/ von dem geweissaget war: Der Herz ewer Gott/ wird euch eynen Propheten auß ewern Brüdern erwecken/ den solt ihr hören/ wie mich selbs: Wer aber denselben nicht hören wird/ der sol von seinem Völk außgerottet werden. Die nuñ/ sag ich/ seiner Sazung/ die in ihm selbs/ als auß den rechten Felsen geschriben gewesen/ nicht haben wollen folgen/ vnd zu der zeit der erbärmlichen Verhergung/ den der am Creus erhöhet/ vnd von den Todten erstanden/ veracht/ die sind auß dem Lande aeräumet vnd vmbkommen: Auß das das Völk so im Finstern saß/ vnd im Lande des Todes Schatten wohnet/ das ewige Liecht der Auferstehung sehe/ vnd mit seiner fülle hinein gehe/ vnd also das vbrige in Israel selig werde/ so doch/ das auß zwo Wänden eyne Versammlung in der Auferstehung werde zusammengefügt/ auß dem Eckstein/ der auß beyden eyns machen wird/ vnsern Herzen Jesum Christum/ der da lebt vnd regiret in alle Ewigkeit/ Amen.

Ende Egesippi.

Register